

49

J

- PA' LA MORTHI D'UN BIDDISO' -
(da Catullo)

Pignidi, femmini ed innamoradi
E cantu è d'ommini di cori bonu.
Lu biddisò mèrthu è di la me' pizzinna,
Biddisò, gioia di la me' pizzinna,
Chi edda più di l'occi séi amaba:
Acchè éra un méri e 'si la cunniscia
Cantu una piccinnédde a mamma sòia.
Nò si mubia mai da li faldhetti,
Ma brinchittendi inchibi, inoghi, in giru
Sòru a la padrona sòia pipiaba.
Abà si n'anda pà una via bugiósse
Là, dundi diziàni nò si torria mai.
Màri a te venghia, ombra di Papóschu,
Chi dugna cosa bedda ti zi porthi:
Un biddisò 'si beddu mi furesi.
Oh marasérthi! Ischùru biddisò!
Pà cuipa téia di la me' pizzinna
Milli di pientu rui l'occitti azzési.

(Vengu pà contu di la me' zidai)

folle

- LA FORA DI GIAIU -

M'ammèntu la bonanima di giâu
Càndu d'izia di l'òmini in barrèta
A lu so' tempu allistrhidu e gàu.
Oh, la to' bòzi giâu, binidèta,
Pièna d'ebardhènti e di zigàrru,
M'ammèntu chi d'izia la fòra antiga
Pà' li nibédi sènza fà un isghàrru:
- V'éra una vóltha un re, - Oh chi fadiga! -
Saasari paési éra e non zidài...-
E carignendi la so' bàiba antiga
La fora, ahimè, nò s'ammintaba mai.
- Era lu milliéttuzèntu alléra...-
Tinìa lu didu vecciaréddu in sù.-
Pizzinni, aié, curchedibi in bonóra...
Di la me' fòra non m'ammèntu più!

(Vengu pà' contu di la me' zidai)

- L'ULTIMA SÈMIDA - †

Ammacchiu imburigadu
A fégu e fiara,
Da Santa Ciara 1)
Figgiurendi
A pàrth'in giòssu,
Vèdi, nédida,
La mórthi di lu sòri
Chi lassa in zéru
L'ulthima tràtta.
A l'occi ivàsciddadu,
In chistha di d'isthiu,
Pari lu sòri ruiu
Chi si n'è murendi,
Séru, un prèsthu di luzi.

(Vengu pà contu di la me' zid/ai)

- 1)- Rione di Sassari ormai scomparso: Piazza delle Demolizioni che il popolino chiama "Li casi ifasciadi".

L'ULTIMA ORMA - Incanto avvolto/di fuoco e fiamma,/ da Santa Chiara/guardando/verso giù,/vedi, notevole,/ la morte del sole/che lascia in cielo/l'ultima traccia./All'occhio senza sensi/in questo giorno estivo,/ sembra il sole rosso/che stà per morire,/solo, un dono di luce. -